

# ÅRSMELDING FRÅ STYRET 2025

Etne Elektrisitetslag AS

## 1. VERKSEMD OG FØREMÅL

Etne Elektrisitetslag AS (EEL AS) har sitt opphav i Etne Elektrisitetslag SA, etablert i 1932. Etter omorganiseringa i samband med sal av nett- og kraftverksemd til BKK AS (no Eviny AS), opphøyrdede den operative energiverksemda med verknad frå 1. januar 2018. Selskapet vart då omdanna til aksjeselskap.

EEL AS er i dag eit ikkje-operativt selskap utan tilsette, og har som hovudoppgåve å forvalte eigarskapen i Eviny AS og nytte avkastninga i samsvar med vedtektene.

Selskapet sitt vedtektsfesta formål er:

- å eiga aksjar i BKK AS / Eviny AS
- å delta i eller samarbeida med andre selskaper innan digital kommunikasjon, bygde- og næringsutvikling og annan verksemd med forretningsmessig tilknytning til det tidlegare konsesjonsområdet
- å støtta samfunnsnyttige og allmennyttige tiltak til beste for innbyggjarane i konsesjonsområdet

Selskapet har ikkje til føremål å gje økonomisk utbytte til aksjeeigarane, og det blir ikkje utdelt utbytte frå selskapet.

## 2. STYRE OG VALNEMD

### Styret

Styret i Etne Elektrisitetslag AS har i 2025 hatt følgjande samansetjing:

- Ove Kahrs Wangensteen, styreleiar
- Tord Askvig, styremedlem
- Frode Grindheim, styremedlem
- Elin Vik, styremedlem
- Elin Hegerland Hjelvik, styremedlem

Styret har halde 8 styremøter i løpet av rekneskapsåret. Styret mottok godtgjering i samsvar med vedtak, jf. note 2 i årsrekneskapen.

### Valnemnd

Valnemnda for perioden 2025/2026 har vore:

- Bjarte Dagestad, leiar
- Torbjørn Tveita Reiso, medlem
- Ann Elin Ljusnes Sævareid, medlem

### **3. DRIFT OG AKTIVITET I 2025**

Selskapet har ikkje tilsette og eig ikkje driftsrelaterte anleggsmidlar. Verksemda har i hovudsak bestått av:

- forvaltning av finansielle egedelar
- handsaming av søknader og utdeling av gåvemidlar
- styrearbeid og oppfølging av juridiske og organisatoriske avklaringar

Etter søknad vart det i 2025 utdelt kr 3 000 000 i gåver til lag og organisasjonar innanfor det tidlegare konsesjonsområdet. I tillegg innstilte styret, i samsvar med kraftkontrakten, overfor formannskapet i Etne kommune at kr 1 500 000 skulle fordelast til søkjarar gjennom kommunen. Dette vart akseptert av Etne kommune.

Ein del av tildelte gåvemidlar var per 31.12.2025 ikkje utbetalte, og er periodiserte som kortsiktig gjeld i selskapet sin balanse.

### **4. ORGANISASJONSFORM OG JURIDISKE AVKLARINGAR**

Styret har i 2025 vidareført arbeidet med å vurdere selskapet si framtidige organisasjonsform. I denne samanhengen har styret hatt løpande dialog med advokat Hans Jacob Reinlund Sæther i Eurojuris og Roy Arne Eike i advokatfirmaet Haver AS. Det er i tillegg etablert samarbeid med Tysnes Kraftlag som er i same vurderingar.

Desse notata er publiserte på selskapet si heimeside [www.elagsfondet.no](http://www.elagsfondet.no), og saka har òg vore lagt fram som orienteringssak på ordinært årsmøte. I påvente av bindande førehandsuttale frå Skatteetaten legg styret opp til at spørsmålet om eventuell endring av organisasjonsform kan handsamast av eit ekstraordinært årsmøte når tilstrekkelege avklaringar ligg føre.

### **5. INFORMASJON OG OPENHEIT**

Styret legg vekt på openheit og god tilgang til informasjon for aksjeeigarar og ålmenta. Det er difor etablert praksis med løpande publisering av relevant informasjon på selskapet si heimeside: [www.elagsfondet.no](http://www.elagsfondet.no). Her finst mellom anna:

- oppdatert oversikt over gåvemottakarar
- styrevedtak og dokumentasjon
- informasjon om aktuelle prosessar knytt til organisasjonsform

Styret vil halda fram med denne praksisen også framover.

## 6. ØKONOMI OG RESULTAT

Årsrekneskapen for 2025 er avlagt i samsvar med rekneskapslova og god rekneskapsskikk for små føretak.

- Årsresultat 2025: overskot på kr 178 766
- Selskapet har god egenkapital og likviditet
- Verksemda er fullt ut eigenfinansiert

Selskapet sine finansielle eidedelar består i hovudsak av eigarskap i Eviny AS, samt mindre plasseringar i verdipapirfond. Styret føreslår at årsoverskotet for 2025 vert overført til annan eigenkapital.

## 7. RISIKO OG FRAMTIDSUTSIKTER

Styret vurderer selskapet sin finansielle risiko som avgrensa. Inntektene er i hovudsak knytte til finansinntekter frå eigarskap i Eviny AS og annan kapitalforvaltning. Styret meiner at selskapet har eit solid økonomisk grunnlag for vidare drift og for oppfølging av vedtektsfesta føremål.

## 8. VIDARE DRIFT

Årsrekneskapen er utarbeidd under føresetnad om vidare drift, og styret stadfestar at denne føresetnaden er oppfylt.

## 9. STYRET SI FRÅSEGN

Styret meiner at årsrekneskapen gjev eit rettvissande bilete av selskapet si økonomiske stilling per 31.12.2025 og resultatet for rekneskapsåret.

For styret i Etne elektrisitetslag AS

Etne, 27. april 2026

---

Ove Kahrs Wangensteen  
Leiar

---

Tord Askvig  
Styremedlem

---

Elin Vik  
Styremedlem

---

Frode Grindheim  
Styremedlem

---

Elin Hegerland Hjelvik  
Styremedlem